

盤洲文集

二十七

蘇州文集卷第六十七

魏語十四首

天申節道場回欄塔白語

朱光發藻式臨東井之躔碧縷騰芬共祝南山之壽
願斐回於六纛更款曲於二星欲進舞人助成喜氣
足音勿遽口詠已成

垂魚擁笏萃官僚黃宅緇廬再祝堯九夏正中調玉
燭五雲為瑞爛璇霄無勞廣陌張戎幕且駐高牙挽
使軺觀者如墻汗成雨為呼歌舞相歡謠

前進祝 聖致語

天命中興符鬱葱於白水時迎上瑞薦清泚於黃河
溥均湛湛之恩仰贊穰穰之福恭惟

皇帝陛下成功一旅納祉百神系丕緒於綴旒真懷
生於奠枕搃綱振領尊居蠖濩之中越契踰繩何取
鴻荒之際久建橐而匡武同扇暘以垂仁陳六曲而
措九刑皇風載躋集五章而擾一角協氣橫流斯逢
里社之鳴共效華封之祝燕鹿鳴而食苹野式歌小
雅之詩噦瓊華而蕙芝英敢續大人之賦臣等技慚
師乙歡等聒丁敢緝耳言輒成口頌

薰風濯熱自南來陛戟傳聲殿繞雷九奏鳴球陳露



筮八珍登俎奉天杯鑪煙結篆後猊噴扇影分行孔
雀開海角無階就堯日但知長曝報恩鯁

對廳致語

五麟七鳳滃照室之榮光百榼千鐘均式園之廣宴
輿情闔懼嘉頌沸騰恭惟經略茹古涵今經文緯武
元戎十乘久隆闔外之權泰階六符當近日邊之列
提舉提刑大雅宏達至德中庸不疑多有平反星虛
貫索士安知所取予海羨牢盆提舉材負能千任優
共二巨舟如島來異寶於殊方流馬在途腐餘糧於
高廩式迓瑤光之慶同霑湛露之恩秩朱紫於初筵
吟青黃之雅樂如澠有酒共瞻拱北之恭并山爲肴
更獻維南之壽某寅緣絲竹瞻望簪紳不度俚言敢
哦口頌

盤洲文集卷六十七

二

日瓦

填然歌頌沸康莊郁郁梢雲畫漏長禮浹三行盈綠
醕樂催百戲擁黃堂挹泉清節推吳隱攬轡威聲小
范滂來歲同稱千萬壽天顏有喜舉瑤觴梢雲瑞雲也見江賦

王母隊祝聖致語

非煙非雲瞻祥光而遠集如山如阜介壽祉以同辭
鳥三足以前驅璈八琅而競奏恭惟
皇帝陛下功密祀夏頌誕生商膺錄受符光啓中天

之業重規疊矩登闕上古之時成道德之安強惚神
明之貺祐東阡北陌屢多稼以逢年甘露嘉禾無瑞
圖之虛月梯航交至文軌大同邀交妃玉女之車拖
松子玉喬之袂嶽呼萬歲納虞氏之白環觴進九霞
獻瑤池之碧藕弄等嵩然布武虔若貢誠輒吐心聲
式颺口號

想象編星拱紫微龍蛇日暖動旌旂恭惟虹瑞生虞
帝遠以鸞駮會交妃雲氣先飛三足使風紋不皺六
銖衣君王若問蟠桃木溜雨霜皮幾萬圍

對廳致語

盤洲三集卷之一

三

日

震夙慶辰瞻星流於華渚鼎來廣樂洽雲上於群巨
列坐編珠繁花爍錦經略廷中舊德嶺表長城阜九
牧之民熙然樂業最三年之計行矣趣裝提舉學贍
家傳言推世則洋洋領聞政司鬻海之權衮衮清班
即快昂霄之志提舶韜藏利器充牣多聞通大編之
越鄉載馳使牡迂明綸而造闕遂聽朝雞祥對舒虹
誠深就日以九為節拜燕渚之渥恩於萬斯年聲壽
感之善頌妾因逢玳席少駐羽輪已奏雲璈迺賡口
詠

心傾葵藿在斗南邊秩秩簪紳再就筵方伯舉杯均舜

酒外臺連壁頌堯年望雲鰲抃躍三百音陌指日鷁
行官九遷祕殿此時同廣宴宮花深處拜傳宣

廣東水教致語

揚子之江心鑄劍重午及時越人於水面鬪舟先庚
有令旣肯臨於虜使可不召於麴生恭惟經略名簡
宸衷政敷物聽海涉湊歸颿之客山行無擇地之人
閩外之事則制之遐衝已折舟中之指可掬也猛士
孔多提刑氣備四時德翔千仞英聲載路咸驚壘輪
之威壯志橫秋久存擊楫之誓提舉襟靈超卓識略
高明粟漕盈倉智過長鞭之筭舶商銜舳心期多櫂

卷之二頁六十七

四

之消同集樓居俯觀水戰伐鼓而穹龜鳴躍揮戈而
畫鷁縱橫羽扇綸巾酷似周郎之赤壁不檣錦纜驚
回秦地之白鷗葭萌賈勇以摩肩蒲盜聞聲而落膽
投單醪而分飲直可拍浮嘗角黍以知新便如競渡某
等偶階絲竹獲望尊壘敢綴耳言因成口頌

水戰橫江一百舟海山樓裏坐元侯偷兒已罷三年
伎猛士聊因五月秋不用辟兵酬令節從今行客但
安流將軍盡列長安第留取樓船震海頭

歸路致語

大翼蔽江過博昌之素習高牙塞道如長岸之言旋

恭惟經略德浹提封望密制閩按五兵於棹卒迎一
節於郵籤水截潛蛟敢衝星之劍氣體輕飛燕喚回
雪之舞腰仰奉台躔洵成韻語
州民爭看使君歸千騎闐闐此一時鼠子已知焚大
棹馬人又是建豐碑但將海閣嚴軍政不比湖亭書
水嬉赤壁功成八十萬小橋應奏舞腰支

會汪正字樂語

千里命駕如山陰乘輿而來一朝傾壘作河朔避暑
之飲有重客而皆賀况良辰之難并聲沸筵絃光生
戟燾恭惟狀元正字德輝覽鳳奇表匪犀騰龜采於

荆山呈夜光於隋掌黃甲旦魁於多士終賈銷聲青
藜夜訪於老人向歆等譽謝先容之推轂舉後覺以
執鞭正垂上於雲霄却平分於風月餞清督府迺枉
道而肯臨入觀法宮即尊朝而列侍我經略頃聯班
綴款挹風猷迨歛惠於桂林復親仁於泥軼仍年分
索憑尺札以搖情此日從容敷寸心而道舊欲娛密
坐遂速高軒歌陽春白雪之詞喚青莖綠蕤之舞盼
兮美目雖東州莫立於西州酒有別腸蓋大器難陳
於小器某因儕伶竹獲適召崇同喜足音輒成口誦
一鳴曾使萬人驚亘地馳聲若建瓴此日東州披宿

霧幾年南斗避魁星共看騏驎騰夷路便接夔龍侍
楚廷千里尋盟須舉白海珍無謝五侯鯖

廣東秋教致語

進退辨錫鏡存周卿之六典前後中規矩法吳將之
五申時屆清秋令行督府經略龔黃撫俗頗收摠戎
偷兒皆業於火耕估客久聞於露宿仍年專闡令三
出於蕭辰不日造朝官九遷於拱著提舉運使學窮
竹素德粹瓊璜使指光華疊外臺之五組宸心簡注
迎細札之十行簪蓋闡場鼓行猛士列方圓之陣法
角勝負於兵鋒歌南風而競北風如臨大敵取中駟
與彼下駟自有神機惟熊威虎力之如斯何鼠竊狗
偷之敢動式存勇爵遂秩賓筵七札張弓落盃中之
蛇影一夫舞劍變掌上之蜚眉某等猥選軍伶獲瞻
戎幕共成口誦非敢面諛

八月師田不失時武蠶赴赴震雕題耳批秋竹圖騏
驎鋒瑩朝霜拭鷓鴣連率名高方叔後外臺走與范
滂齊向來佩犢潢池子一一腰鎌走稻畦

歸路致語

壯士負鞬如奏班師之凱元戎緩轡益隆御侮之聲
經略德輩前英政喧輿誦三校中秋之武久勤半夜

之思紅旗尚壓於南荒紫橐即儀於北闕犀渠夾道
已收旂動之威翠袖臨塔却作弓彎之舞台躔在塋
口韻是賡

旗旄照海塞通達共說元戎校武歸三歲麟符寬遠
顧一方鼠子讐英威征袍劍立嚴師律舞袖弓彎有
妓圍頃刻連營俱解甲室中寧復歎蚬蟻

鹿鳴燕致語

設科選士仰華旦之右文提筆擅場逢有司而定價
自非白璧無瑕之侶安得青錢必中之功惟揚粵之
東隅有張余之芳躅當時勛業能齊色於三階後代

宗師屢標名於千佛羊城是爲盛府鴈塔相踵英流
瞻槐斯黃拾芥而紫勸駕腆元侯之禮開尊承嘉客
之歡音沸筦弦光生韋布恭惟經略詩仙濟美吾道
主盟決遣有如神明潤飾皆以經術已同延壽執俎
豆而興校官不減文翁買刀布以齎計吏提舉望宗
嶺羨胄出雲間使節森羅兼總儒林之柄牢盆充牣
獨贏歲抄之儲提舶論議粹醇襟靈開豁典司浪舶
每多棲陸之珍涵泳金籟自有傳家之學喜群賢之
得雋指上國以觀光遂延鄉社之先鳴且合漕臺之
高薦凡舊登於言貝籍咸同集於倉矢遑所期渾化之榮

以激方來之秀宮商間作酸豛交飛歌鹿鳴之三式
侑吸川之飲參鷲鳥之百軌追擊海之程某等偶綴
賤工獲披崇仍甲科可矣韻語敢陳

采芹東魯浪歌僖領海儒風異昔時學有淵源能貫
道文如藻繡摠紉竒軒然西笑騰三級對此南烹舉
一庖勛業權輿自今日廣寒折取最高枝

會肇慶章守致語

遺棠陰於名郡載佩魚符棧柱擢於長亭少留熊軾
清尊卜晝和氣回春伏惟某官擢榦鄧林席珍和肆
自開龜而歛惠能去鱣以擅聲仁浹遐萌無尺寸之

膚不愛威清群吏雖銖兩之姦皆知績既徹於法宮
寄遂隆於潛邸於焉假道得以聚星我經略託契年
家仰高仕路撫封借潤重分鄰濁之光置驛迎來已
辦旣芻之費式開歡席少接綺談列顧景之輕往進
縈塵之長袖如澠有酒何慚南董之經井山爲肴誠
非邪莒之會某等因緣鼓吹瞻望壺觴同喜足音敢
哦口頌

風翼翔嬉雲路輕合班玉筍直承明鱣溪已作恩棠
雅龍邱先馳拔薤聲卓蓋朱轡仍歛惠青簾白舫豈
爭程元戎政欲傾家釀喚取佳人進麴生

福州會權府趙提刑致語

入疆而瞻使壯既親顯顯之英詠日以合州魚更結
承承之契可無燕豆少款符階恭惟某官嵩岱吐暉
淄澠納度望蚤推於標的識獨妙於襟靈屢符李卻
之占雅負范滂之志駕輕車於孰路再至閩川鞠茂
草於圓扉一清漢律攝行方伯之事隱若長城之賢
我安撫舊仰高山願披宿霧把麾近鎮遂託部刺史
之天視篆黃堂幸聯大君子之躅欲腆薰心之好迺
開竹葉之尊熒煌既聚於荀陳靡曼蕪歎於鄭衛一
眉相顧雖非輕別於舊官百榼須空此去復均於三
尺某等黎園傳藝柳陌分營輒綴耳聾敢效口韻
三山分鼎肖蓬瀛叩首雲達上使星緩帶一年
組破觚八郡久虛囹元戎自喜聯真何妨醉
淶鄙雅望不應長攬轡便須筆橐侍三庭

會交代趙知郡致語

非桐不棲下鳳儀於千仞及瓜而代解龜紐於一朝
少駐高軒乃張綺席恭惟某官清襟邁性雅量測深
畢原鄩郁文之昭見謂金枝之傑江漢睢漳楚之望
來分銅竹之榮惠露所霑巫風丕變厖眉五叟欲祖
道以攀轅細扎十行即造庭而荷橐交代講英聲於

朝野結求好於子孫方期樓踵之初願卜承顏之款
清香畫戟載賡燕寢之詩朝雨輕塵未奏渭城之曲
某等侑歡若下濫吹郢中共集耳言遂成口頌
雪意商量未肯忙使君歸騎已騰驤二年治行留襦
綉萬戶生涯足稻梁便去我冠筮要路誰能截銜款
行裝曾中久矣吞雲夢一舉瓊彝有別腸

盤洲文集卷第六十七



東湖上梁文

東海變為桑田漫作千年之調西山致有爽氣遂萌
三徑之心願窮人一事之難成宜智叟旁觀而大笑
子洪子生於浙石望出江東泛宅浮家歎萍蓬之無
定架巖斷壑懷桑梓之必恭悼木偶以何之騎土牛
而甚鈍周子至止茲假步於山高陶令歸來聊結廬
於人境繞樹靡勞於三匝棲鶴好逐於一巢因高城
以為垣墉挹層巒而開戶隔平湖湛綠聞漁父之扣

東湖上梁文

卷六十八

船斜照穿紅見樵夫之弛擔方將買竹萬箇栽桃百
科却師乙之誨覽絃課畦丁以治菘韭東鄰西舍接
封胡羯末之遊右粥左餐軼許史金張之樂迺誦吉
日式舉脩梁以述襟懷併申頌禱

梁東三竿初日拂窓紅盤中首荷朝朝是架上文
書不瘵窮

南芳蘭手植茁新簪老萊便作斑衣戲日日循陔奉
旨甘

西翼翼鄰墻萬瓦齊風至初無壓翳面不妨揮扇步
桃蹊



北喜見邊亭烽燧熄八荒壽域一時開處處樓臺鉅
枳棘

上郁郁非煙騰萬狀一天黃鳴自高飛舊日銀河仍
在望

下愛竹子猷今不借已開虛牖納清陰更待高蟬吟
永夏

伏願上梁之後人皆莫城門不呼醫逐柳州之一貧
送韓公之五鬼造化小兒不相戲梁上君子非所憂
父子團藥問寢奏南風之曲弟兄笑語對床哦夜雨
之詩

廣州綏帶堂上梁文

巨樞就斲得奘塏於守居綏帶揭名壯遐陬之闔寄
事皆中度下不告勞經略撫字慈祥剗裁間暇庭息
鼠牙之頌茂草鞠靡野無犢佩之人餘糧棲畝飲貪
泉而志潔挹溟漲而量寬治行鮮雙歡誥不一數十
處而起提闕時仰信臣十二月而成與梁名高于產
旣新粉堞盡飾黃堂以棟梁柱石之材運居榭樽櫨
之用獨營心匠咸聽指揮方沼凝波聞賓蓮之紀瑞
高城作屏有喬木之敷陰將率賓僚寺開樽俎胡床
之雅興故在投壺而雅歌甚休深有五年而淺有蒲不

減谿堂之樂右持杯而左持蠅可拍酒舡之浮式舉
雙枚因成短韻

拋梁東料戾微微曉色通桃李新栽千百本陽春都
在笑談中

南壓枝笏子爲誰甘紅蓮池上花爭膩船上風來客
半酣

西堆案收回紙尾鷺緩帶坐看霞送日枕柳葉底鶉
鳴啼

北粉雉如山扞南國登臨極目望中州便覺歸心生
羽翼

上青草黃茅共一瘴天末神仙御白雲執轂騎羊余
相訪

下撫字心勞歌匪野書劍歸來不帶牛携鉏競去尋
秧馬

伏願上梁之後牒訴長稀版圖益進歲豐而魚蟹有
餘風靜而鷄鷓不近青油幕下少留賓客之談玉筍
班中入奉鬼神之間

澹津卜築上梁文

年登半百未皇聳尔之居象應魁三甫遂歸歎之計
方休它館難緩五廬澹津主人壯也安貧晚而亨杏

際真主風雲之會點明時柱石之班智拙謀身堅白
莫齊於衆口恩深鑊骨懷黃獲返於故鄉念先公之
始基爲我里之佳處營置錐之壤何啻買山規納駟
之門殆同刻楮茲契肯堂之志敢辭治第之勞起無
地之樓臺固多慙德對此牀之風雨況有善鄰練吉
日於曆翁付全謨於梓匠旣安又負可舉棟梁

拋梁東螺洲水轉玉皇宮枉教地讖傳前古調鼎曾
無尺寸功

南澹浦彎環玉一潭拂徑已成高柳五當門須要綠
槐三

盤洲之六下

山

詩

西鴈序雙簷入望齊出縣同行多樂地夢魂那復到
沙堤

北僅勝詩翁歌偈仄欲營傑閣貯宸奎待向北鄰咨
信息

上不用星官說乾象青大白日是清明凌雨震風休
薄相

下萬軸牙籤重插架祇將清白遺兒孫剩有門閭容
駟馬

伏願上梁之後鼎鼐導和巫醫掃迹華髮慶采繁之
助清尊交常棣之驩七子克家咸守詩書之業諸孫

滿坐長尋梨栗之盟凡我親朋共茲悅喜

楚望樓上梁文

江漢分楚望昔聞騷客之辭西北有高樓茲占墳洲
之景工師喜於得木龜筮未嘗違人繩墨既陳鑿枘
相合盤洲老人六年治圃三徑成蹊桃塢梨原雜百
花而競秀溪堂水閣涌雙派以交流戲魚識鳴屐之
聲馴鶴顧隨軒之步復登危觀以俯西郊慕元龍百
尺之名哦孫楚五尋之賦雲梯雲之新級如履坦途
試歌雪之曲欄已橫疎影耀日而天光無際怡顏而
日力有餘丘壑足起予草木誰不知我旁瞻廬草

楚望樓上梁文

上

納爽氣於欄檻前對鄒嶽長灘於輯濯將以登
之暇時乎醅勸之好池臺火下歌臺且向園林窮
勝事舞低楊柳月之仄年少之心棲老鳳皇枝獨結
歲寒之友脩梁斗宿韻來歎

拋梁東雉堞連延也極宮漁子入關爭蚤市鱸入擊
水快晴風

南萬頃風煙性所耽細草重茵春亘野澄江橫練月
關潭

西天際羨廬入望低棣萼樓臺財尺五瘦筇來往印
長堤

北美竹如掾瀟洒國巢雲上下啓軒窓一覽芝山盈
秀色

上落霞孤鷺鷥供清賞一聲長笛倚欄時待得蟾光紫
蕙帳

下剩作茆廬容櫪馬藕花開後羽觴頻風掩郊扉回
俗駕

伏願上梁之後日涉而風雨不渝雲卧而神仙可學
筍蕲魚醢進野老之晨羞羽衣虹裳邀江妃而夜話
其誰歌馬同我盟鷗俛仰之間咏歌不足

花信亭上梁文

盤洲之六十八

六

祖

歷載買山方策勳於此日群芳得地有報喜之祥風
乃作新亭用酬勝槩盤洲老人酷好行樂雅知倦游
治盤洲百畝之園費中戶十家之產物非容易而盡
獲事或艱難而晚成東園所樓僅有一牛鳴之闕左
花右竹幾乎兩蝸角之爭弗蕪芥於胷中若羈縻於
化外灰心久矣唾手得之胡越為一家無爾界此疆
之異雲夢吞九澤合遠山近水之奇草木皆知燕雀
相賀畫棟侈丹青之飾雕闌呈紅紫之妍四時携酒
則親朋足以娛嬉千里命駕則故舊斯為款曲野無
青草擁春徑之名葩鞠有黃華送秋林之清馥閱冬

精夏敷之相繼任朝榮暮落之自然已架虹梁瀟吟
繭紙

拋梁東日日來占花徑風長把芬香迎杖屨不將消
息倩鱗鴻

南勺藥留春不脫驂夾岸芙蓉爭濯錦雙頭倒影媚
澄潭

西丹桂盈林菊遶畦霜
推時花恨老憂能忘處草
漸低

北鷗思從容魚足食梅花滿眼雪花飄玉骨冰肌同
一色

皇朝七六八

二

七

上東盼雙溪西楚望稍踈問計竹平安貪看穿花
來往

下蘭蕙叢卑宜在野閑捻花史傍闌干我欲堆黃麩
演雅陸魯望作花史

伏願上梁之後風光益好樂事下襄三百六旬而歲
成常常乘興二十四番之花信一一飄香凡我同盟
逢場作戲

容膝齋上梁文

寸地休心或發置錐之誚數椽容膝大勝環堵之居
非坐井以觀天猶乘槎而問漢乘桶但求於細木門

閭不納於高車介斧論功龜魚薦瑞盤洲老人技窮
知止興盡倦飛半百年而日苦無多又踰十稔九万
里而風斯在下安敢肆言鷦鷯不過於一枝鳳凰始
翔于千仞因山之鹿倚竹爲廬每駐屐而少留必橫
琴而獨樂塵外欲招於五老飲中難著於八仙抵掌
而談不出柳州之景曲肱而枕可尋蟻垤之游晝掩
卷以盟鷗夜舉杯而勸月小以成小斯爲取斯霧塞
華穰沉沉者所以敗也風生圭竇緝緝然有餘裕哉
雖不上梁何妨下筆

齋之東九曲雙溪在眼中人世最難開口笑興來寧

盤州之六十八

惜酒尊空

南斗大生涯亦可貪仙島有之到箇中真趣上

登三

西矮桃得地漸成蹊游鯤自逐一池樂此處相忘尺

澤鯢

北坐看蠻觸干戈息度地休吟葛屨詩開疆盡掃槐

安國

上芥納須弥非說妄淺中狹見小丈夫豈識汪汪千
頃量

下何必萬間謀廣廈南認翹足傲孤松北垞轉頭無

片瓦
伏願落成之後四時長健一室易安危坐團蒲烏有
辭消之患徐行草徑更無股栗之憂凡今之人與我
共此

聚螢齋上梁文

三葉決科更編花萼之集一經趾美當慕桂芳之詩
月兔未明風螢可聚授諸梓匠建此山房盤洲老人
世禪儒冠室標藝苑演綸龔禁仍父子者四人結綬
鵷行踵弟兄於二府兒輩又聞於師說孫枝半離於
童蒙欲增門戶之輝須佩輪輿之戒念焚膏而繼晷

卷之二

二

五

尚鑿壁以偷光肄業能勤策勳可必張口如坐雲
錐懷繡簪笏以徒然聽履而上星辰盡燈火簡經之
所致莫惜數年之苦學誓圖千佛之榮名良弓之子
必為箕存心相續強弩之末不穿滿勉力有終茲頓
雙枚試聽六詠

拋梁東一生窮達卜童蒙拚却數年稽古力拾青拖
紫笑談中

南燒燭尋書到草菴月練縈惚如白晝牙籤插架好
窮探

西景到桑榆漫噬齋趁取光輝對黃卷任他簷外玉

繩低

北更漏迢迢天又黑短檠參用也無嫌莫使凝塵棄

牆側

上萬點飛星迷四望案頭乾死可憐紫人倦欲眠渠

亦放

下可但膏油顛五夜清霜十月歎飄零便有雪花相

假借

伏願上梁之後筆耕不輟書癖休醫詩禮承家長作

蟾宮之想朝昏挾策無貽螢燭之羞博之雲仍味我

藥石

盤洲文集卷第六十八

十

盤洲文集卷第六十八

不向... 亦... 上... 亦... 其... 亦...

盤洲文集卷第六十九

青詞二十一首

代保安青詞

屯蹇未耳慮貽災於星曜呻吟有疾敢請命於天庭
恭修禳謝之儀少瀝歸投之悃伏念臣蠢愚有素攝
衛失經災積在身瘍生於背纏綿枕席亦既兩旬更
易醫巫備攻五毒氣羸則甚疾腫不衰深震俯仰之
間積有神明之譴博詢巧曆謂熒惑方舍於限宮私
念暮年正甲子將周於歲紀顧憂陰罰難追沉痾輒
控危衷消陳清醮伏願高穹降祉列聖垂哀畀以百
生更駐桑榆之景起之九死庶收藥石之功

代爲子謝安青詞

天道無親罔間衡茅之陋靈心允荅敢心蕙藻之恭
上瀆高明采深戰懼伏念臣男稟生孱弱賦命屯遭
疾在脾經腫已形於顏面醫窮脉訣危幾至於膏肓
當鳩車兒陸之年進鵝管乳丹之藥保茲赤子實憂
似續之微禱于皇天遂底安平之慶不忘犴獺之報
少殫狗馬之心消選嘉辰聿嚴寶供延瓊臺之真侶
按琳札之冲科伏願飈馭回光凶星退舍日窮于次
月窮于紀前迓春祺膺不受怕心不受邪遂消厄會

鄉城禳火青詞

愆陽易節方迎萬彙之通濫
燄降災敢後四墉之祝
輒披丹悃仰叩蒼穹伏念
巨等結屋鄉城連墻里巷
惟時暘之既久致就燥以
屢驚出糜竺之財難乎苟
免漱纒巴之酒今也未聞
康炎炎或致於延燒皆惴
惴不遑於寧處況經冬之
無宿雪恐涉春復苦沉痾
爰修回祿之禳更弭大陵
之氣物雖慚於玉璣儀實
按於金科庶消耄稚之殃
願安心味之食伏望高真
贖祉列曜垂光脫焦頭爛
額之憂賜飽食煖衣之佚
水供萬斛長依壬癸之神
疾去六淫不患陰陽之寇

世宗皇帝

二

三

爲大人禳謝青詞

陟岵思親恨循陔之甚邈
開緘聞疾欲嘗藥以無繇
不勝人子之情遂瀆皇天之
聽果蒙陰相敢控微誠
伏念臣父頃以臺評謫于嶺
表逢魘禦寇久窺白澤
之圖茹蠱踐蛇致苦黃茅之
瘴初傳消息采劇驚惶
肱三折以無醫腸九回而終
日謀之卜筮厄有星辰
輒披懇禱之私即迓安平之
喜惟祭魚之匪報爰舍
肉而有祈恭卜良辰肅陳妙
供伏願凶躔轉禍淵鑿
發祥土地所宜莫適調於南
食雷雨作解早整頓於
北轅

廣州獄空青詞

陽舒陰慘蓋禁民有三尺之科訟息刑清偶闔郡無
一人之獄仰上靈之徧覆奠下悃以潛通竊念九州
不盡衡山百粵本同荒服惟羊城之劇鎮處鯨海之
上游蠻蜚雜居常起鬪爭之事魚鹽逐利易興掠奪
之謀多有重辜號為難治自叨符竹力究簡書惟
措刑不用四十年豈古今之頓異故要囚服念五六
日雖大小之必親仰體好生幸無漉死積一旬之決
遣致三院之空虛爰擇良辰肅陳淨醮按多儀於琳
札誦密語於琅函度既往之沉寃迎將來之景貺伏
望鸞輪來格淵鑒俯臨憫此無知使之不變遷善
罪不煩磔鼠之詞易俗移風永絕帶牛之習

代為妻保安青詞

上帝監觀回吉凶影響之速下且激切揭齋戒沐浴
之虔敢控丹誠仰塵洪覆伏念臣妻行年災蹇惡曜
照臨自抵仙羊之城常有河魚之疾節宣旣爽防嵐
毒以焦心疼腫相攻忽風淫之在足不勝呻吟之苦
遂萌祈謝之謀履地未能呼天而禱燕門戶亦多於
坎坷致巫醫不絕於往來肅簡端辰消陳清醮伏望
俯垂淵鑒為退殃躔起此沉痾獲臻勿藥之喜錫之

景福共保如茨之休

大人保安青詞

受生天地之中夙憑覆載請命星辰之下願賜哀矜
爰即醮筵輒披愚悃伏念臣稟資窮薄涉世遭迴自
寬南荒于今五稔山河乖異惟瘴毒之蒲前魑魅逢
迎致風淫之中左手舉足廢氣耗神昏汗多不可見
寒食少無以自養每視蔭以度日將卧蓐以周星良
醫弗值於折肱沉痾何由而去體詢求巫卜推測吉
凶謂羅睺臨照於命宮而災感遲留於厄度迨仲秋
之換節方列曜以回光不勝祈禱之私預肅禴禋之

卷之二

四

具念陋邦莫能備物賴瀾鑒有以真誠摠真適屆於
中元徼福庸獲於下地冀臻景貺獲度災時伏望上
帝假年衆靈轉禍憐巨身以因於蠻貊察巨行無負
於神明俯寬漢涼之誅特駐嶂嶷之景脫孱軀於醜
地迎大眚之渥恩末疾有痊得此踳跚之躄故鄉在
望庶能匍匐而歸

廣州獄空青詞

土木營繕常虞妖禁之干徃狂寂寥悉自神明之相
肅陳清醮併瀝微衷伏念臣典郡于斯更冬已再頃
因海颶致區屋之飄摧復有鄰偷念城垣之傾圮遵

一日必葺之戒玩重門待暴之文既揆日以落成慮
興工而有犯兼遠嶠浸臻於俗易故仍年再格於圉
空恐其畫地爲牢猶有哭林之鬼輒伸禳謝敢貢懇
祈伏望列聖墮祥高靈委鑿俾風災之息患莫賜雨
之叶時盜賊不萌鞠室長閑於三木瘴痼自弭歡謠
俱浹於四民

大人生朝設醮青詞

寢瘳計窮不避再三之瀆願空情切庶祈萬一之哀
盡瀝危衷仰干仁覆伏念自嬰滯疾再涉隆冬足
不良行如遇股夷之繇手無所措豈知指運之能既

世宗皇帝

五

日

度日以減殄常通宵而奪寐怔忡自失廢錮丹
此災荒闕然良劑猶賴神明之護尚容喘息之延斯
屆初生敢陳清醮居瘡疔之俗而不免因陋庶蒞藻
之信而可以揭虔伏望淵鑒流祥歛星退舍憫其困
院賜以安平遭吏帟之高醫復邯鄲之故步念痿人
不忘起早脫舊疴瞻衡宇以載奔遂迎解澤

代爲妻保安青詞

天鑒無親嘗瀝陳於丹款靈心善應非求報於含靈
仰瀆高明采深戰越頃以妻慶祥伊始徼福無門向
背起居恐觸遊房之禁憂虞生育異兆就館之菑獨

賴洪私俯垂淵覆果臻如達之喜更協惟熊之占偶
奔走於微官致因循於實供敢消今日併謝後時伏
願列聖協仁大圓融祉數口保團藥之樂窮年無坎
坳之殃

大人生朝醮青詞

射蓬紀旦益薦垂刃之寒引葦積年不避祈哀之瀆
仰千淵鑒曲聽愚衷伏念日景迫桑榆罪投魍魅自
纏綿於末疾法經涉於三之奄奄無聊安不靡知於
朝夕蒼蒼所覆護持猶賴於神司致使孱軀稍能運
肘重惟醜地難遇良醫無飲食以扶羸之湯劑未
能起廢復呼天而有轉翼履地之可期不勝丹款之
私敢肅潢汗之薦伏望帝心融祉星度去災體脫沉
痾早占勿藥之喜恩歸故里獲享誅茅之吉

廣州移石嶽青詞

徃牢易地當有事於禴禩土木彌旬可無干於禁忌
敢謂日吉用肅醮筵伏念番禺之城實參夷夏之俗
並海故輕於為盜穿傭者鮮克畏刑巨壑竭薄材侵
尋累歲雖頻愚之習少革而謀詐之事尚繁蓋三獄
連墻或謂犯陰陽之說致細民觸刑年能繫桎梏之
空馮朽椽見仆於颶風酌衆譁殊別壤賴萬靈

之委貺庶兩造之... 西遵祕... 俄以落園扉之
始伏願明神敷佑列象垂光器... 甬首行露甘棠
之德聲沈杓鼓無鬼薪白粲之囚

代為... 代音詞

高高在上惟誠款之可通暮暮音出其中無禱祈
而不答常瞻威咫尺達愚衷伏念臣頃以妻攝衛失
經晦明已疾自踰五嶺凡涉九齡或否或安一食有呼
醫之事以朝以夕居憂卧... 持慮行年... 休王之
期而厄... 在街臨... 斯... 木速... 平... 丹... 悃
之默投賴紫清之... 迎景... 不至沉痾脫瘴癘

黃茹之... 蘇東... 善以保... 珠篋之洞章伏

卜良辰... 陳薰... 珠篋之洞章伏
願照鑒... 景游... 不坎... 以屯如... 盡
室旌倪常... 而... 止

代保安青詞

大造無私散... 微臣有禱... 齋戒以投誠
敢瀝愚衷仰干威... 伏念巨材資涼薄運歷屯遭艱
難特甚於壯年臨照弗迎於吉曜靡瞻匪父尚存鉅
痛之創非此其身又喪下殤之適行藏... 憂... 乖
朕禍不遠於閨房殃更移於臧獲鬼其瞰室醫不離

門端由俯仰之愆遂獲神明之譴謹悼心而謝咎爰
請命以乞憐汙掃芻壇森羅琅簡實賴靈文之力庶
幾下悃之通伏望絃覆垂光凶星退舍團藥數口潛
消無妄之災蕩滌滯寃不憂不祥之事

舍蓋堂設醮寺詞

土木踰旬恐妄干 禁忘斧斤訖事收庚卜於禴禳
仰扣穹蒼庸披下悃伏念日叨承君命來領州麾惟
是正堂臨於東序自寇攘而改作垂四十年因火燬
而不居隔六七政立三隅之樓壁 重檐幽
暗而不納天光空虛則非人境 忍憫而視

卷之六十一

遂謀去故而取新目力所營盡更張於櫨戶足音相
接將旅進於簪裾茲擇良辰首開醮席伏望靈旂發
軻乾象吐芒有覺其楹無復高明之瞰 兵斯寢長
興輪奐之歌

妻子保安青詞

呼天去疾從古則然掃地謝恩消辰有禱敢披悃幅
上瀆高明伏念臣妻宜人妾沈氏所失理於衛生臣
第七男未免懷而嬰恙巫醫相踵咸無藥石之功卜
筮屢占謂有星辰之院遂投醵款旋獲痊平偶遷徙
以還鄉致稽遲於拜況念愚息近示於肌熱恐行年

未脫於身災不勝舐犢之情併展鯨魚之報庶迎景
貺即弭餘殃方瓊笈之森羅異飈輪之降格伏望高
真墮社惡曜韜光先春後秋俱團藥而聚首弱妻穉
子免咬咀之關心

會稽謝土青詞

土木興功懼妄干於禁忌斧斤訖事敢虔卜於禴禘
仰扣威尊用傾忱悃伏念臣官居福祿地勢拘牽薰
風自南無復追涼之所時雨將降每懷土濕之憂因
增下以爲高遂圖新而改舊所虞穿鑿以速咎殃或
方隅乖避就之宜在神禁有犯干之罪落成之際醮
謝爲先乃按真科蕭定清馭伏望
光吏隲少休賓案護善善之
枕之祥

祈晴青詞

上天之載惟播物以無私苦雨數來斯可闔而有禱
高明匪邈肝鬲可通伏念臣所守稽山是爲澤國每
情詢於農事蓋常患於水災黨一午不獲有秋則庶
民無以卒歲茲累月愁霖之沍作致大田多稼之濡
傷雖屢走於群祠迄未消於沴氣迺蠲郡宇恭設醮
筵伏仙派之真官講沖科之祕式伏望圓穹錫祉列

曜垂光翻手爲雲弗使陰霾之積舉頭見日遂無凶
歉之憂

澹津卜築青詞

卜築澹津實虔遵於先志用工累歲豈無犯於凶神
欲保乂寧敢伸祈謝伏念臣頃因罷相再獲還鄉迺
興土木之謀以爲風雨之庇前營後廡幸略就於規
模右築左穿恐妄奸於禁忌已草一區之佚又稽百
拜之儀茲肅清壇仰酬洪覆伏望高真委鑒吉曜垂
光老稚伸眉長受如茨之祉巫醫掃迹古穢勿藥之
休

萊國保安青詞

矯首清穹惟包函之罔間傾心洪造庶肝鑿之可通
敬布微悃仰祈淵覆伏念臣妻沈氏頃節宣之嬰恙
嘗齋戒以勾憐浸閱歲時有稽醮謝茲中春之在候
忽右體之不仁衆劑俱投六旬未効慮行年之蹇剝
有惡曜之照臨或土功侵犯於神祇致風氣纏綿於
手足法筮斯啓景貺是迎伏望列聖垂光災星退舍
良方相值早收勿藥之功末疾有瘳復治采繁之職

謝土青詞

九載營巢蓋屢興於土木一區按堵已久散於工庸

雖併懔寬風雨之憂恐禁忌犯陰陽之說仰祈洪覆
敬瀝丹衷伏念臣子舍既多孫枝亦衆自頃年之罷
相歸故里以謀居梁楠棟楹間架浸緜於歲月斧斤
畚鍤方隅或觸於神示豈云凝燕寢之香僅爾列蜂
房之牖失細推於三白嘗輕犯於九良獨被隆恩不
生竒禍大懼禴禳之緩妄希蕩滌之私今日是誣清
醮斯啓伏望皇乾委鑒吉曜垂光既革故以除殃願
履端而受祉盤躄病婦尋故步而蚤安糾合童孫對
表顏而長樂

盤洲文集卷第六十九



